

PRIVREMENE SMJERNICE ZA SPRJEČAVANJE ŠIRENJA COVID-19 PRILIKOM VJERSKIH OKUPLJANJA U DŽAMIJAMA

U cilju sprječavanja širenja infekcije COVID-19 u prostorima džamija prilikom vjerskih okupljanja potrebno je osigurati sljedeće:

Opšte mjere

Fizička distanca. Potrebno je održavati fizičku udaljenost od **najmanje dva metra** između svih prisutnih (vjernika, vjerskih službenika) prilikom ulaska i izlaska, kao i tokom boravka unutar same džamije i popratnim vjerskim objektima. Za članove zajedničkog domaćinstva nije potrebno da budu odvojeni dva metra jedni od drugih.

Ukupan broj vjernika koji u istovremeno mogu biti u vjerskom objektu zavisi od veličine samog objekta a ne smije da prelazi 200 osoba.

Dodirivanje lica i rukovanje. Treba izbjegavati dodirivanje usta, nosa i očiju rukama. Takođe, rukovanje treba izbjegavati.

Maske za lice. Tokom boravka u zatvorenom prostoru preporučuje se korišćenje zaštitnih maski koje prekrivaju nos i usta.

Higijena ruku. Dezinfekcija ruku na ulazu je obavezna. U tu svrhu na ulazu u džamiju treba postaviti dozatore sa dezinfekcionim sredstvom za koje se pouzdano zna da djeluje na novi koronavirus te osigurati dostupnost dovoljnih količina dezinficijensa u svakom trenutku.

Čišćenje prostora. Potrebna je pojačana higijena i dezinfekcija prostora džamije, posebno površina koje se često dodiruju, kao što su kvake i rukohvati na vratima, rukohvati na stepeništima, električni prekidači i slično. Dezinfekcija površina prebrisavanjem dezinficijensom se obavlja uvijek nakon održavanja vjerskog obreda. Tepihe treba redovno čistiti, usisavati i dezinfikovati.

Starije osobe i hronični bolesnici. Starijim osobama i osobama sa hroničnim bolestima preporučuje se izbjegavanje odlazaka na sve vrste okupljanja u zatvorenim prostorima.

Specifične mjere

Obredno pranje (abdest). Preporuka je da se obredno pranje obavi kod kuće.

Izuvanje obuće prilikom ulaska. Preporuka je da se upotrebljavaju jednokratni nazuvci, čarape moraju biti čiste, pri čemu se zabranjuje obavljanje molitve bez čarapa.

Spuštanje lica na tlo. Radi lakše dezinfekcije prostora džamije, preporučuje se da vjernici sa sobom donesu prostirku za obavljanje molitve koju neće dijeliti ni sa kim.

Fizička distanca. Neophodno je održavanje fizičkog razmaka od najmanje **dva metra** u svim smjerovima.

Ukoliko takva mogućnost postoji, preporučuje se organizovanje i održavanje vjerskih okupljanja na otvorenom, uz održavanje potrebne fizičke distance od najmanje dva metra.

